


docriver 文川网
古籍书城
入驻商家
获取更多电子书
在文川网搜索古籍

中國方志叢書·華中地方·第五一四號

據 宋·施 諤撰
不著年代批校鈔本 影印

浙江省

淳祐臨安志



成文出版社有限公司印行

10101729

中華民國七十二年三月臺一版

淳祐臨安志 全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一一四三號



淳佑臨安志

舊條
安國寺藏院宋建
炎四年賜今額

延恩院建炎四年移額重建先有蕪才翁留題畫堂
三月初三日絮撲紗窗燕拂簷蓮子散梧窠冷酒柘
枝一曲試春衫階臨池面勝看鏡屋映花叢當下簷
誰倚南樓指新月玉的索手兩纖

洪武志在縣東北
六十里破石宋興寧
元年賜今額

西山廣福院朱伯虎題上方鑿石開山已幾年半天
堂殿聳危巒曉鐘聲向雲邊落夜月光從檻底看野
色難藏千里秀松風長占一軒寒老僧此處真樓隱
應笑塵勞効小官

洪武志在縣東七十
里本晉于室于寶
宅周顯德二年建
名善提院宋治平二
年改賜是額

真如禪院般若臺張文忠公九成書張文忠公詩高

docsriver 文川网
入驻商家 古籍书城

在文川网搜索古籍书城 获取更多电子书

關西將下有旁註
其臺前木藤蔓結
結如披甲然十一
字

僧超物外有戶畫常偏海濶如天大泉甘謨地靈一
簾春月靜半點山青便作歸歎計移文休勒銘
黃栢劑和寺古僧應少地偏心自扁憑高通楚望懷
這妙胥靈深蟄乳藏翠斜飛鷺界青休文今已去佛
像寄誰銘張謬題般若臺旗鼓初從海上回天風
吹我上雄臺甲板雙木闌西將馬驟羣峯冀北材塵
世俯窺鳥去軍聲俄逐晚潮來誰能為我書巖石他
日重遊掃綠苔董將題恠石茲山翠成堆峭骨乃
如許化工妙融結石鐫走青乳當年女媧氏煉此不
及補岫岫至于今丈室枕其股我來手摩挲松陰日

亭午初疑道士羊亦類將軍虎坐久飢腸鳴試作先生煮

淨信院在縣西南六十里石晉天福二年置 延恩院嘉定五年建元係彌勒庵嘉定六年移請今額元在湧金門外今養魚莊也圓明院在縣西南之五十里唐元和七年置舊名永成宋大中祥符元年改今額 永隆廣福禪院在縣西一十里宋朝紹興十八年建 定香院在縣西北二十五里宋朝開寶元年置名茶毗庵治平二年改今額 東潭廣福禪院在縣西南五十里宋朝乾德元年置紹興三十二年改

改今額 資聖院在縣西北四十里天福七年建舊
名資壽治平二年改今額 淨居院在縣西三里童
兒塔在焉宋朝隆興二年移府城廢寺額建重修童
兒塔記云益官縣海昌之舊府也古課縣南隅有四
佛祠曰羅漢曰文殊曰光明曰靈塔今所存者獨光
明一剎世說相傳以唐季擾攘悉為黃賊焚掠獨光
明在東南隅為雪峰結茅之地荒寂無所有故獲保
全以至今日無復尋證也是歲西南郊林墅間夜有
光亘天色人沈輝訪而視之披榛覓路得一壞浮圖
而焚燬於五季之兵火故所餘者如此而已其下有

黑蛇長數尋蟠護不去而宵夜昏黑則間放大光紅
輝屬天明徹幽隱然不知其所為始也然則此非所
謂靈塔之遺跡歟前此數年邑有人召日者治奠城
且用是塔以為應按而語人曰此去歲餘塔復興矣
始聞其言以為誕妄不足信也後餘歲果有淨信願
加脩治肆聞其作興乃與同志人章日華尹瓊貴共
率有緣竭力以相其事而凡木工役丹渥繪飾之費
凡二十萬始事於元祐戊辰二月二十八日落成於
四月二十八日也然則是塔之來信久矣噫數百年
荒地之地一旦營繕乃與日者之識若合符節果述

數之精如此者印塔之有廢興偶相合者如此邪是
皆不可得而知也雖然陰陽風水之說其來尚矣先
王之盛時所以建邦設都則必畫參諸由景復考諸
極星以辨方隅以正其位非獨此也以至定中則作
宮揆日以作室升堂以望降梁以觀察其形勢審其
所宜而又決於卜吉然後允臧則風水之驗今於此
塔不足疑也此有過客善風水嘗過余而言直縣之
西有水曰淡塘者其派自錢源來而於卦得辛兌之
龍於經得秀文之氣惜乎地勢雖遠而源流不深故
未有嘉驗也苟浚之使深則斯邑也文富貴達當世

不絕余得其言因切自思色之人貴登龍樓勳勒
 石者往古百之矣如戚袞褚無量褚廷誨載在史冊
 皎如日星非獨此也至於佛氏之有齊安禪師道家
 之有馬自然皆以其孝雄耀當時而過此已數百年
 而繼其顯者寂寥無聞豈非真西之水當時源深而
 流長者其應如彼而後來沒湮而無廢者其應亦如
 此邪是或可信也後之君子銳於作為以速久遠之
 效者皆沒其源而疏其流則余未老尚及見其瑞應
 也元祐三年望日武都章瑋記 重建童兒塔記壽
 聖禪師惟尚道眼明徹戒体潔清傳法於普照英公

得證於黃龍新公既謝事迺歸老童兒塔之西環堵
蕭然而聲震四海其叩門求法者蓋肩相摩而袂相
屬也予寓居益官遇風日清美芒屨竹杖徑尋師於
茂林修竹之間一日指予塔而問其故師出邑人章
瑋石刻且曰舊塔廢為道士居者凡二十年矣紹興
丁丑主塔僧仲淵之孫德諶痛數百年勝槩一旦為
強有力所奪影滅跡絕了不可尋問乃草衣木食鉤
儲黍積卜地其東參贊架屋於莽蒼榛棘中今蘭若
寧堵崢嶸突兀鼎上一新其勤勞翊績之功似可記
也公其有意乎予笑而不答既而予被召貳玉牒旋

擢至春官侍講金華未暇如師請後予以病乞歸聖
天子閔其勤以奉祠寵之居間日讀方書理藥物亦
未暇如師請也予病今少間師來請益勤予乃呼謀
而告之曰堯舜禹湯文武周公之道具在人心竟則
為聖賢愚則為賢不肖聖人懼其惑也乃著之六經
使以義理求乃銘之九鼎使以法象求簠簋俎豆火
龍黼黻以發之鐘鼓莞磬琴瑟等笙以警之清廟明
堂靈臺辟雍以形之使人目受耳聽心竦意明恍然
霧披豁然冰泮乃知千聖雖往此心元不去萬變雖
經此心自有餘不然吾聖人豈虛為此紛々哉子之

辛苦經營，僥有在於斯乎？否則吾不知也。謹謝而退。
乃書以遺之，使刻諸石。紹興九年十月四日，左奉議
郎充祕閣修撰、李舉江州太平觀，賜紫金魚袋。張
九成撰。金佛院在縣西一十二里，舊名上粟。宋乾
道二年改今額。延恩院在湧金門外城北，今為養魚
莊。舊志有西軒止軒，後廢為楊府園。旌忠禪院在
縣西北二十五里。宋朝嘉泰二年建。定善院在縣
西南三十里。宋朝紹興十二年建。戒壇院在縣西
南三里。宋朝淳熙九年建。惠明院在縣西。宋朝隆
興元年移府城廢寺額建。淨信院在相扣山。晉天

天福六年邑人周璉捨宅為寺舊名思平本朝治平
二年改今額東菴廣福禪院在縣東南五里雪峰
禪師結廬于此人見夜光亘天因名光明菴後稍增
產屋號光明禪院宋朝熙寧元年賜名壽聖紹興三
十二年改今額雪峰手鑿一井甚甘冽大旱不竭井
中時聞風濤聲施彥執題云何處登臨眼最明雪
峯佳處一川平潮隨海月生時上峯在雲天靜處橫
幢蓋神扶喬木影風雷井閉古泉聲灵蹤鑿盡穉凋
悵何日遊山報道成舊有壽聖院記云壽聖禪院
西距縣郭五里俗謂之東菴蓋雪峰禪師嘗隱此身

光發見遠近望之以為回祿馳往救撲至則無有故
因號為光明菴後稍益屋居僧亦謂之光明禪院熙
寧元年始賜今額菴後大樹徑數十圍柯枝蚶蟻皆
南引以覆菴云雪峯手植樹旁古井甘冽大旱猶供
百人亦傳雪峯所鑿然屋後才數椽庫溷區迫莫能
立眾本朝天聖己未老山主居無常人元符間僧俗
以逆縣無禪刹四方雲遊菴解祀之所乃啓官請仲
淵長老主之淵乃為之員米乞食以供其徒禪侶雲
集而無精舍止宿十餘年始能造像構殿立三門建
方丈敬大法堂增廣庭廡厨庫寮舍造供具瓶几榻

器用無一不備者華屋巨棟脩廊奧室皆突起煥烈
照耀於泥塗草莽中巍然如化非復前昔東菴也寺
僧云淵師募檀施鳩材植積久告辦乃始經營故能
成以百日予驚嘆賞覽久之因謂浮圖之祠徧天下
雖三里之城十室之邑罔不有葦堵蘭若者然要之
必其山水確深林木秀茂形執地理既勝則能華侈
廣大緇徒衆多不爾亦荒涼寂寞名存而實亡今壽
聖院居鹵田瀆土中四望曾無堆阜沿江惟白茅黃
筧榛棘梗莽豈有山川形勝地勢風水使然而淵師
特以道力強為興起之彼所在荒刹弊寺亦豈無僧

而榛棘頽圯者人之不能勝天歟然也今不待山川
形勝而獨能宏麗壯大者天於人歟亦必從之謂歟
余既嘉淵師之能復念雪峯聖跡初無記載傳於此
寺者欲為之紀其本始廢興於其方丈之北壁時大
觀己丑仲秋初泚將仕郎前監本縣監盜張弼東道
撰并書

寶嚴院在縣後唐天成二年錢氏建舊名岳雲宋朝
治平二年改今額元豐中建岳雲亭 古靈陳公表
有詩小亭巉絕出雲間萬象升沉不得閑莫恠詩翁
頭白早時來向北寫湖山 蘇公軾有詩贈僧清順

docsriver 文川网
入驻商家 古籍书城

在文川网搜索古籍书城 获取更多电子书

僧清順新作垂雲亭云江上雖有餘亭榭着穩登臨
不得要萬象各偃蹇惜哉垂雲亭此地得何晚天功
爭向背詩眼巧增損路窮朱欄出山破石壁狼海門
軸湖尾抱雲岫葱_○城郭麗淡_○煙村遠紛_○上烏鵲
去一一樵漁返雄觀快新獲微景收昔道道人真古
人嘯詠慕嵇阮空齋卧蒲葛芒履每自相天憐詩人
窮乞與供詩本我詩久不作荒蕪旋鋤墾從君覓佳
句咀嚼廢朝飯又臥病弥月垂雲花開順閑黎以
詩見招次韻答之曰道人心似水不礙照花研燕坐
春強半清陰月屢遷平生無起滅一念有陳鮮嬾嬾

風枝舉離七日夢為病吟終少味老醉不成顛何必
遨頭出湖中有散仙 又怡然以垂雲新茶見餉報
以大龍團仍戲云妙供來香積珍烹具大官揀芽分
雀舌賜茗出龍團曉日雲庵暖春風玉殿寒聊將試
道眼莫作兩般看 又宿水陸寺寄北山清順僧詩
見城東水陸寺 借竹軒秦少游曾宿此軒夢天女
以維摩求讚今上皇帝淳祐三年賜僧智光御書晦
庵字 延聖院在縣東北六十里宋朝紹興元年建
正法院在縣東北一十五里宋朝乾道二年移府
城廢寺額建 淨明院在縣東北二十步蕭梁紹泰

二年置舊名法明後改為淨信尼院宋朝治平二年
改今名後無尼僧慶元四年移額於縣西南仁賢坊
鄔庵今為甲乙僧院南禪福嚴尼院在縣東南蕭
齊建元四年尼僧猛舍宅為寺舊名齊明五代漢乾
祐中改為護國報恩禪院宋朝大中祥符元年改今
額有記杭之屬邑曰鹽官民淳號易治風俗簡儉尊
儒而崇釋邑東南瀕海斥鹵漁鹽之鄉皆逐末業牢
盆之利歲秋成西三鄉為豐歉農夫深耕利於早熟
蚕婦織紉以勤女工樂歲家給人足斥其贏奉釋氏
惟謹故邑中民居與僧坊櫛比鐘明之音相關隆棲

條閣錯立鼎峙飽食豐衣鉤褐塞路不耕蚕而仰給
于民者不知其幾千指也尼姑有三焉曰福嚴禪院
直邑南隅紹興乙亥歲冬予譏征是邑暇日過其門
敗屋數楹像古器剝門堵頽闕蓬艾蕭然如蹈無人
之境今歲且十稔西住持淨歡以修院記屬余竊甚
異之乃彙考其因革之繇先是院圯壞不治紹興甲
寅歲其徒曰希照募衆重修佛殿素飾瑞像始作鐘
樓隆興改元曰惠勤戴指衣鉢重修之乃立三門兩
廡甃甃階道周以垣牆今齒逾八帙重修不倦曰浮
歡繼踵院席歲將終星祖孫三葉協力藏事凡鐘磬

鏡鼓爐香龕鐙華幡道具皆革故而鼎新之邑人父
老咸加信嚮曰事可書英按是院立於南齊高帝建
元四年尼曰僧猛捨宅為寺號齊明猛姓岑氏南陽
人徙益官縣五世矣曾祖率晉餘杭令事載高凡僧
而元味姓纂云岑本南陽漢舞陽侯彭之後軻為吳
都陽太守徙益官亦與此合至五代漢乾祐中改護
國報恩禪院今曰福嚴者本朝大中祥符元年敕所
賜也舊羅兵草前志不存姑載其大畧如此噫是邑
僻在海隅像教之盛儂有禪門尼有猛師今其季者
代不乏人方朝廷既開度門異時必有若摠持不復

史源院唐張承吉書
 題云四迴山向樓殿
 倚嵒城中路見山遠
 上方竹石多天晴花
 氣漫地暖鳥音和徒
 救苦仙景此生真素
 何處橋入
 洪武志在縣東南十
 二里安樂鄉舊名
 泉寺唐咸通七年建
 宋治平二年改今額

再見發明心要接物利人於此伽藍闡揚宗旨豈日
 營造土木之功可紀哉予知歡之志其有在於此也
 夫故併書之以勵來者乾道二年歲在丙戌十月十
 日右宣義郎兼行在左藏西庫李洪記并書 寶嚴
 院在縣東六十里宋朝紹興元年建

餘杭
 以上海寧縣

普救院在縣溪南一里舊名寶聖院唐光化二年置
 宋朝治平二年改今額建炎間燬于兵火紹興十年
 其徒智方營造折院基為二前甲乙後十方有觀音
 像隨禱必應 用欽律師姓俞嘗住持此院戒行嚴

潔作白蓮記禮部侍郎孫邦寄詩云心地白蓮俱有
種要須功德水方開因師一語千花現人各始知來
處來紹興二十二年坐叵太師史越王浩碑其塔畧
云登大智之門得大智之道灵芝之席龍像雖多如
師傑然亦可倖指銘曰堂已欽公稟承天智作獅子
吼震動天地 妙智院在縣東南二里舊名觀音院
宋乾德五年置治平三年改今額 明心院在縣城
內舊名資福院周廣順元年置宋紹興五年改今額
寶林院在縣西二里乾道二年置 壽聖院在縣
南十二里招德鄉舊名福梁院周顯德二年置宋治

平二年改今額。崇先資福院在縣西南一十二里。
招德鄉紹興二十九年置善應院在縣西南二十里。
招德鄉舊名靈應。後唐天成二年置。宋治平二年改
今額。定水院在縣東一十五里安樂鄉紹興二十
八年置。移請今額。廣福院在縣西一十二里同化
鄉。縣舊名興聖院。唐廣明元年置。宋熙寧元年改聖
壽院。隆興元年改今額。崇因報本禪院在縣東三
十五里常熱鄉。舊名興福院。宋乾德四年置。大中祥
中改普寧院。紹興三十一年改今額。大覺禪院在
縣北四十里常熱鄉。宋紹興三十年置。普安院在

縣北東三十五里常熟鄉宋紹興二十七年置移請
今額 圓教院在縣北四十五里長安鄉舊名法華
院後唐同光三年置宋大中祥符元年改今額 大
安院在縣北五十里長安鄉舊名境安院唐咸通十
二年置宋治平二年改今額 廣福院在縣北三十
里長安鄉舊名安象院後唐同光三年置宋治平二
年改聖壽院隆興二年改今額 崇竟院在縣北七
十里止戈鄉舊名寶幢院唐乾符元年置宋治平二
年改今額 慈濟院在縣北六十里止戈鄉舊名吳
山院後唐天成二年置宋治平二年改今額 正觀

尼院在縣南一里舊名祈福院蕭梁天監二年置宋
大中祥符元年改今額 淨安尼院在縣一里舊名
南禪院宋梁乾化三十年置宋治平年間改今額
真君廨院在縣西南三十五里招德鄉後唐天成元
年置今廢 永寧院在縣南一十三里欽德鄉石晉
天福七年置今廢 永壽院在縣東三十五里常熟
鄉石晉天福七年置今廢

以上餘杭縣

淨明院唐翰林詩天台國清寺天下為四絕今到善
照遊到來復何別 栴木白雲飛高僧頂殘雪門前一

洪武志在縣北五里
安仁村本隋之善照
寺也石晉天福七年
重建宋治平二年賜
是額

洪武志在縣北三里白
界村唐乾寧元年僧
子未建

洪武志在縣西二十五
里祥風村旧名智竟

漢乾祐元年建浴亭
二年改賜是額有卓
錫泉初茂榮祥師卓
錫是山甘泉流出遂
穿為方池

條水幾回流歲月

西巖院白太傅有詩見西岩

大智院此山層巒聳翠松竹森羅偈去尋龍得水應

雲崗海眼通甘泉且香當時喚做麻衣塢而今改作

佛城莊遂下笠覆地見山石沈虜城虜城欣然贊之

捨地捐金初成蘭若錙徒漸盛乃於卓錫之地穿為

方池泉即盈滿積深久旱非淺非深返愈清嘗因隣

民誤有觸汗冬泉忽涸至春不應僧了義了心集眾

環禱復如初邑人金川令謝震記其事併作絕句云

祖師道德上人天卓錫開基不記念隻履雖歸惹嶺

洪武志在縣西二十五
里曰名是泉院光啓
三年建大中祥符元
年改今額寺有竹
軒遊者多由題

去尚留遺跡一泓泉 寺之西院有樓三間巍然插
空繞樓皆山阜雲帽峩々遠眺江水橫流如白虹氣
像甚勝僧隆居之紹興庚辰韓房古名之曰明月巢
何大圭為之記韓房古云清風去無塵白雲來無心
一笑玉溪上落花流深水

淨土院祝少卿云寺依巖壑已幽深更植修篁絕翠
陰石使俗塵侵几格直將高節映叢林風來緩奏玲
瓏玉日上輕節鎖碎金踰伏來緣起勝景試憑蝴蝶
夢追尋 吳興姚愈云勁節摩雲歲月深水雲不改
舊時陰靜浮香篆度幽徑冷滴翠光生茂林明月滿

docsriver 文川网
入驻商家 古籍书城

在文川网搜索古籍书城 获取更多电子书

洪武在縣西南三十五里
 儀鳳村宋大中祥符四年
 建僧大德開山曰名双林治
 平二年改是額寺有巖
 香閣多名公題詠
 洪武在縣西南三十五里
 儀鳳村宋大中祥符四年
 建僧大德開山曰名双林治
 平二年改是額寺有巖
 香閣多名公題詠

窻橫好墨清風入指接黃金箇中領取西方意亭落
 人間何處尋 四明楊簡云此意分明有底深蒲團
 斜倚滿鋪陰豈容俗子閑擡眼只許清風得入林我
 對此君無一事自言幽處直千金古人今已成陳迹
 猶向當年擊處尋 和者甚衆
 妙智院舊名永安寺
 寶林院巖香閣詩太丞李公材云道人未來山闕然
 孤松恠石埋寒煙道人既來山更研層樓複閣參雲
 天環山自昔富叢桂荒榛埋沒籐蔓纏居人不識等
 檟散施以介君供燔然道人登巖戒勿伐豐城一遇

張茂先柔柯弱幹得自保如是培植繞三年秋風披
拂香散漫下落村墮連平田野人愛香共賞異爭作
勝事相聞傳乃知萬物要有遇蓋車勿恠鳴聲喧道
人得此良自善用以名聞誇林泉我知道人真有道
攀巖架屋初空拳山中駐錫亦何事為衆設法設因
緣衆皆稱讚樂布施良工歛巧民輸錢屹然寶構成
不日千章美樹瓊瑤連莊嚴別殿煥欄楯微塵相好
瞻金山澆空瞰遠映心目林光拂拂泉洵洵閣中四
壁何所有短筇曲几隨所便道人本是祇園祇園老
子稱其賢孔門三千豈不衆聞道獨許淵興騫厥居